



**“I te cherdí con to ennom” dij le Signur.**

La ploania d'La Pli tol sò con ligreza te sòa comunité **Clara Obkircher** (Baldessé) y ti fej les miús aodanzas ai geniturs Udo y Barbara: Idio, la Oma dal Ci y la Santa Patrona acompagneii Osta mōta con sòa benedisciun y proteziun.

- **iolan dles ofertes** en recort de + Anastasia Terza: por santes messes familia d'André y la fiocia Ida, por la dljia fam. d'André, Gabriella Kehrer, Adolf y Zilia Willeit, fam. Taschler da Toblach.
- **iolan dles ofertes** en recort de + Matio Astner: por santes messes fam. da Schluderns, por la dljia JanTerrabona, fam. Rovara.

## 1 enformaziuns y termins

**Oraziun da Taizé:** la proscima oraziun de Taizé ven tignida en vendres ai 17 de merz ales 20:00 tla capela a Oies. Al se trata de en n'ora olá ch'al ven perié, medité y cianté en forma de Taizé. Düc é der bel enviés a tó pert.

**Invit:** E.p.L. - seziun cors de dljia envieia al cianté de Carsema y de lalt a Sant Ojep y a beat Josef Mayr-Nusser en domegna ai 19 de merz, ales 16:00, tla dljia da Lungiarü. Al cianta le cor de dljia La Val, le cor de dljia San Martin, le cor de dljia Lungiarü y cor dles Eres d'Al Plan.

**Iolan:** le Consei Decanal dla Uniun dles Eres lascia alessei che sò Oies él jü ete tl'oferta dal de d'oraziun dles Eres la bela somma de 1.436,70 € co va a ben dles eres filippines por 3 proiec co é gnüs chirís fora. Ciamó en gran iolan a dōtes por la partezipaziun ala liturgia y por la solidarieté por nostes surus dles Filippines.

**Grup Atmosfera:** en jōbia ai 16 de merz s'encunta le grup de tomp lede Atmosfera por eres y ei atochés da problems psychics, ales 15:30 te Raiun Sozial a Piculin con Irina Tavella y Barbara Rungger. Le tema sará "Les staziuns" cun na meditaziun. La mostra "Les Staziuns" fata dales partezipantes dal grup Atmosfera, dai assistís d'La Spona, dal grup terapia dl'ert adöm a Irina Tavella é da odei cina en Vendres Sanc tl'entrada dal Raiun Sozial. Enformaziuns pa Sabine Rainer, ☎ 0474 524519.

**KVV:** al ven lascé alessei che al é ciamó posc ledi por le iade/pelegrinaje sōle le de Starnberg te Paiern y i bi posc y santuars encier ia organisé dal KVV Val Badia dai 24 ai 27 de aorí. Enformaziuns pa Hilda Sottara, ☎ 0474 523133 o 338 9231013.

<b>Döt le bun a:</b>		
Maria Rindler Daverda		12.03.1931
Hilda Kastlunger, <i>Wiesen/Pfitsch</i>		12.03.1942
Erica Teresa Rigo Gostner, <i>Balsan</i>		12.03.1942
Jep Trebo		16.03.1933
Maria Rigo Bergmeister, <i>Weidental</i>		17.03.1932
Maria Vittoria Ellemunter Schenk, <i>Santa Cristina</i>		18.03.1932
Jep Rovara		19.03.1935
y a düc chi co á santennom y compless i agn cōst'edema		

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina al [dedemesaledema](mailto:dedemesaledema) sera a Franz Rigo: ☎ 0474 500978 o ✉ [ploania@gmx.net](mailto:ploania@gmx.net)  
**Download plata:** [www.unitepastorala.org](http://www.unitepastorala.org)



# Plata dla Ploania La Pli de Mareo Santa Maria dal Bun Consei

Ploan: **Signor Heinrich Perathoner**  
E-mail: [ploania@gmx.net](mailto:ploania@gmx.net)

Calogna Al Plan: **0474 501006**  
Radio de Ploania: **93,00 Mhz**



**VAL BADIA**  
[www.unitepastorala.org](http://www.unitepastorala.org)

Ann A

12.03.2017 - Secunda domegna de Carsema

n. 16

## Les strades dla salveza

☞ Gen 12, 1–4a | 2 Tim 1, 8b–10 | Mt 17, 1–9

### Dal Vangelo do San Mateo:

Te chel tomp <sup>1</sup>á Gejú tut Pire, laco y so fre Jan da na pert y i á condüt sön na munt alta. <sup>2</sup>Y al é gnü trasfiguré dan sü edli; so müs lominâ desco soredl y sü guanc é gnüs blanc adorbenc desco la nei. <sup>3</sup>Te n iade é aparí Mosé y Elía dan da d'ei y ai baiâ con Gejú. <sup>4</sup>Danló ti á Pire dit: Al é bun ch'i sun atló. Sce t'ôs, fajariái sò atló trei üces, òna por te, òna por Mosé y òna por Elía. <sup>5</sup>Ciamó dertan ch'al baiâ, él sté n nio lominus co i á curí con sòa ombria. Y fora dal nio á scraie na usc: Cösc é mio Fi bunorü, te chel ch'i á ciáfé plajei; ascutédele! <sup>6</sup>Canche i discepui â aldí cösc, á ciáfé na gran tema y s'á peté cole müs ia por tera. <sup>7</sup>Danló ti é Gejú jü pomez, i á pié ete y ti á dit: Loéde sò y ne éde nia tema! <sup>8</sup>Canch'ai â ciaré sò, n'odêi plü degügn, ater co Gejú. <sup>9</sup>Dertan ch'ai jea jö dla munt, i á Gejú comané: Ne stede a ti cunté a degügn ci ch'i eis odü cina che le Fi dal Om ne n'é resorí dai morc.

### I ponsun do

*Chel co ô conesce le Signur mess se lascé condü da el. Nos messun jí, adöm ai trei discepui, sön la munt. Enló, tal chit, dalunc da dōtes les presces y dal büsiamont, podunse capí che co é le Signur dla vita.*

### I periun

*Beldio, i cherdun te Gejú Crist che tō s'as revelé desco to Fi. Deidesse da l'encunté tal chit y tla oraziun, por chi podunse cunté ince ai atri de el, co vir y regneia con te tl'eternité.*

Wilhelm Egger "Sonntagsbibel"



☞ Letöres dla Terza domegna de Carsema:

**Es 17, 3–7 | Rom 5, 1–2.5–8 | Jan 4, 5–42**

**Edema liturgica dai 12.03. ai 19.03.2017**

<b>DOM 12.</b>	<b>Secunda domegna de Carsema</b> Gregor, Beatrix
<b>08:30</b>	<b>gran messa</b> por dōta la ploania <i>oferta por i debojūgns dla ploania</i>
<b>14:00</b> 10 y 18	<b>funziun dal Bato de Clara Obkircher</b> s.m. a Al Plan
<b>Lön 13.</b>	<i>Iudith, Paulina, Leander</i> <b>de d'oraziun personala y te familia</b>
<b>Ded 14.</b>	<i>Metilde, Gottfried K.</i>
<b>07:30</b>	<b>s.m.</b> por +tes Frieda y Elisabeth Senoner, Santa Cristina
<b>Dem 15.</b>	<i>Klemens Maria Hofbauer, Loise, Zacharias</i>
<b>▶ 19:30</b>	<b>funziun con les Staziuns</b> con la Joneza
<b>Jöb 16.</b>	<i>Heribert da Köln, Hilarius</i>
<b>19:30</b>	<b>s.m.</b> dai crejimanc y scolari dla mesana <b>s.m.</b> d'aniversar por + Genoveffa Ellemunter ved. Rigo, Matlogn
<b>Ven 17.</b>	<i>Gertrud, Patrick</i>   <b>astinonza dla cern</b>
<b>▶ 19:00</b>	<b>zelebrazion dla Parora de Dio</b>
<b>Sab 18.</b>	<i>Ziril da Ierúsalem, Eduard</i>
<b>▶ 10:00</b> 18:00	<b>tal dom da Balsan, Beatificaziun de Josef Mayr-Nusser</b> s.m. prefestia a Al Plan
<b>▶ 19:30</b>	<b>s.m. en onú de Sant'Ojep por l'uniun dai Ei</b> <i>♪ orghi da man</i> <b>s.m.</b> por +ti Linda Promberger Trebo y Lois Valentin <b>s.m.</b> por + Heinrich Erlacher, Tomele
<b>DOM 19.</b>	<b>Terza domegna de Carsema</b> <i>De de ringraziamont por la beatificaziun de Josef Mayr-Nusser</i> <i>De de solidarieté por le patronat ACLI-KVW</i>
<b>08:30</b> 10 y 18	<b>gran messa</b> por dōta la ploania → <i>oferta por le Patronat ACLI-KVW</i> s.m. a Al Plan
<b>ampola:</b>	por chi d'André
<b>ministronc:</b>	▶ da doman y domegna: Sabine Trebo y Eliane Pedevilla ▶ da sera y domegna: Karin Rindler y Armin Elliscases
<b>i recordun:</b>	Genoveffa Ellemunter ved. Rigo + 16.03.2011

**Gran festa Sant'Ojep:** deache ai 19 de merz é eniann domegna ven la gran festa de Sant'Ojep, om de Santa Maria, tignida al 20 de merz; la santa messa do intenziun por l'uniun dai Ei gnará dita a La Pli la sabeda ai 18 de merz.

**Fá deplü fora dla Carsema – aziun dl'Unité Pastoral Val Badia**



**“Fá empara! A ci podessi pa renunzié?”**

L'Unité Pastoral Val Badia envieia vignönn y vignöna a fá deplü fora dla Carsema. Jenn fora da na parora dal Vangelo dla domegna metunse dant edema por edema na proposta concreta por valorisé danö la ligreza y la speranza liada ala Bona Noela. Les esperionzes pó gní partides con i atri les publichegn sön la plata facebook (Gruppe: Aktion Verzicht) o internet (www.aktion-verzicht.net)



**„No stede a ti cunté a degügn ci ch'i eis odü cina che ...“**

Mateo 17,9

Cöst'edema (y nia ma) ti vái sot ales informaziuns che i dá ennant.

Con mies parores pói fá trep de bun.



**La pordica dla munt cuntada ai mituns (8)**



**Dal perié**

Spo ti á Gejú ciaré a düc chi co ea danló y á dit ennant: Canch'i perieis, desses ester sonziers. No fajéde desch'i oresses baié con me ma por imprescioné i atri. Al é porsones co ô se lascé odei canch'ares preia. Ares ô ma gní amirades canche ares preia. Os desses fá atramonter: Periéde da susc. Jíde enzaí olá che degügn ne se veiga y danló baiéde con Chelbeldio, le Pere sö al Ci. El se veiga y s'alda ince sce os ne podeis nia l'odei.

**Nosc Pere sö al Ci, al sides santifiché to ennom, al vegnes to regn, töa orenté sides fata, desco al ci ensiö söla tera.**

**Dasse encö nosc pan da vigne dé, pardona a nos nusc picés, desche nos pordenun a chi co s'á ofenü, y no se mené tla tentaziun, mo delibreisse dal mal. Deache to é le regn, töa é la potenza y la gloria por dagnora.**

I discepu s'á recordé bun cösta oraziun. Ai l'á emparada y ti l'á ensinada a trec. Ince aldedancö preia i cristiagn cösta oraziun che Geju ti á ensiné ai discepu y ala jont sön la munt.

**Josef May-Nusser: Über das Christsein**

*„Christsein ist in erster Linie eine innere Haltung: Zeugnis geben ist heute unsere einzige, schlagkräftigste Waffe. [...] Etwas ganz Bescheidenes und doch viel Wichtigeres hat uns der Herr geboten: Zeugen zu sein. Zunächst gar nicht Zeugen des Wortes, auch nicht Zeugen der Tat. Es kann oft geraten sein zu schweigen; [...] Wo ein Mensch Gott in lebendigen Glauben eines Mitmenschen begegnet, da wird es Licht in der dunklen Seele, da wird Gott erkannt.“*